



Broj: 05-04-20-2609-9/26
Maglaj, 11.06.2026. godine

Na osnovu člana 70., u vezi sa članom 64. stav (1) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2609-6/26 od 10.06.2026. godine, u postupku javne nabavke „Sanacija poslovnog dijela sportske dvorane sa sanitarnim blokovima – mašinske instalacije“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na sanaciji poslovnog dijela sportske dvorane sa sanitarnim blokovima – mašinske instalacije, dodjeljuje se ponuđaču „Braća Karić“ d.o.o. Zenica, u skladu sa ponudom broj 100/26 od 21.05.2026. godine, po ukupnoj cijeni od 49.686,35 KM bez PDV-a, odnosno 58.133,03 KM sa PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2609-1/26 od 11.05.2026. godine, pokrenut je postupak javne nabavke „Sanacija poslovnog dijela sportske dvorane sa sanitarnim blokovima – mašinske instalacije“, putem konkurentskog zahtjeva za dostavu ponuda. Predmetna nabavka objavljena je na portalu javnih nabavki, Obavještenje o nabavci broj 1140-7-3-54-3-49/26 od 12.05.2026. godine. Sažetak obavještenja o nabavci objavljen je u „Službenom glasniku BiH“, broj 34/26.

Procijenjena vrijednost nabavke je 52.991,45 KM bez PDV-a, odnosno 62.000,00 KM sa uračunatim PDV-om. Kriterij za dodjelu ugovora je ekonomski najpovoljnija ponuda, sa potkriterijima „cijena“ (ukupno 98 bodova) i „rok plaćanja“ (ukupno 2 boda).

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Braća Karić” d.o.o. Zenica	Zmaja od Bosne bb, Zenica	22.05.2026. 09,05h	5314
2.	“E+E+E Energy” d.o.o. Sarajevo	Tvornička 3, Ilidža, Sarajevo	22.05.2026. 09,05h	5315
3.	“K-projekt” d.o.o. Žepče	Poslovni centar XP, Luke bb, Žepče	22.05.2026. 15,23h	5336

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je ocijenila prihvatljivim ponude ponuđača “Braća Karić” d.o.o. Zenica i “K-projekt” d.o.o. Žepče.

Komisija je odbacila kao neprihvatljivu ponudu ponuđača “E+E+E Energy” d.o.o. Sarajevo, budući da je, kao dokaz da posjeduje relevantno iskustvo, dostavio sljedeće potvrde:

- Potvrdu “ITC” d.o.o. Zenica, broj 1765-26/P od 13.03.2026. godine, o uspješno izvršenom ugovoru o nabavci i ugradnji materijala i opreme mašinskih instalacija (radijatorsko grijanje, ventilacijska garaža, klimatizacija) i opreme mašinskih instalacija i kotlovnice na projektu “Radovi na izgradnji stambeno-poslovnog objekta na lokalitetu Centar u Ilijašu,” u kojoj je naveden kao kooperant;
- Potvrdu “Eko Teh” d.o.o. Sarajevo, broj 150/ETP/23 od 25.07.2023. godine, o kvalitetno izvedenim radovima mašinskih instalacija (ventilacija, system grijanja/hlađenja, sistem električnog grijanja) na objektu DIAMEDIC u naselju Krivoglavci Općina Vogošća, po podizvođačkom Ugovoru br. 87/ETP/22, a na osnovu Ugovora 28-UG/21 o izvođenju građevinsko zanatskih radova na izgradnji poslovnog objekta DIAMEDIC d.o.o.

Prema stavu Agencije za javne nabavke, broj 03-02-1-4851-/15 od 21.12.2015. godine, potvrdu o uredno izvršenom ugovoru u skladu sa članom 48. stav (2) Zakona o javnim nabavkama, može izdati samo krajnji korisnik kao glavni naručilac robe, usluga ili radova, a ne glavni izvršilac ugovora sa kojim podugovarač ima sklopljen podugovor. Također, i Ured za razmatranje žalbi je zauzeo isti stav u više predmeta u kojima su razmatrani žalbeni navodi po ovom osnovu (Rješenja br. UP-2-01-07.1-1059-7/15 od 27.08.2015. godine, JN2-01-07-1-3522-7/22 od 19.01.2023. godine, JN2-01-07-1-223-7/23 od 21.02.2023. godine, JN2-01-07-1-448-7/23 od 30.03.2023. godine, i dr.). Rukovodeći se navedenim stavovima, a imajući u vidu da nijedna potvrda koju je dostavio imenovani ponuđač nije izdata od krajnjeg korisnika, njegova ponuda je odbačena.

U ponudi ponuđača "Braća Karić" d.o.o. Zenica uočena je računaska greška, koja je ispravljena u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), tako da ukupna cijena njegove ponude sa popustom, bez PDV-a, iznosi 49.686,35 KM, umjesto 51.968,34 KM.

E-aukcija u predmetnom postupku nije provedena. Komisija je izvršila rangiranje prihvatljivih ponuda u skladu sa kriterijima i metodologijom utvrđenom u tenderskoj dokumentaciji. Konačna rang lista, prema kriteriju za izbor ponude je sljedeća:

r/ b	Naziv ponuđača	Cijena (bez PDV-a)	Bodovi po kriteriju cijena	Rok plaćanja	Bodovi po kriteriju rok plaćanja	UKUPAN BROJ BODOVA
1.	"Braća Karić" d.o.o. Zenica	49.686,35	98,00	60 dana	2	100
2.	"K-projekt" d.o.o. Žepče	50.073,25	97,24	60 dana	2	99,24

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na sanaciji poslovnog dijela sportske dvorane sa sanitarnim blokovima – mašinske instalacije, dodijeli ponuđaču "Braća Karić" d.o.o. Zenica. Preporuka je, zajedno sa izvještajem o radu Komisije, dostavljena rukovodiocu ugovornog organa 10.06.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

